



**Erasmi a Chokier Tractatus absolutissimus de
iurisdictione ordinarii in exemptos, deque illorum
exemptione ab ordinaria iurisdictione**

Mvltis Pontificvm Decretis, Et SS. Congregationis ... Cardinalium
Declarationibus illustratus ; omnibus in iudicio Civili & foro Ecclesiastico
versantibus perquam utilis ac necessarius ; in duos tomos ab ipso Auctore
distinctus

Chokier, Érasme de
Coloniae Agrippinae, 1684

16. Monasteria an sint exempta.

[urn:nbn:de:hbz:466:1-61886](https://nbn-resolving.org/urn:nbn:de:hbz:466:1-61886)

Io. Andr. Buriio Innoc. & DD. d. c. dilectus de offic. ord. Bald. si quis ad declinandam col. 8. C. de Episc. & Cler.

Limite primò, in Ecclesiis monasterio subjectis quæ ante subjectionem illud præstare consueverant. Nam ratione earum, monasterium obligabitur *Clem. 1. de cen. sib. Innoc. d. ca. de statu Monach. cap. conquerente de offic. ord.*

Limite secundò, nisi monasterium haberet populum, quia ratione populi tenetur ad omnia quæ sunt legis Diocesanae. Io. Andr. in add. ad spec. ut. de privileg. Bellenc. tract. de charit. subsid. q. 29. Quæritur secundò, Quid de Synodo? utrum sit legis Diocesanae? & breviter an Abbates seu monasteria teneantur venire ad Synodum Episcopi? Remitto ad prolixam disputationem & distinctionem Henrici Botei, in suo speciali tractatu de Synodo parte 2. n. 4. & seqq. ex qua uberius etiam intelligentia legis Diocesanae & jurisdictionis hauriri poterit.

Tertiò utrum dispensatio? paucis dicimus eam esse de lege jurisdictionis, cap. ex transmissa transl. prelat. glo. clem. 1. de Rescriptis, & ita resolvit Paulus Borgasius in suo tract. de Irregularitatibus parte 2. Rubr. an dispensatio sit de lege Diocesana nu. 4. Eadem dicta sint de Canonica Episcopali, de qua materia in cap. requisisti & cap. officii de de Testam. & Petrus de Urbaldis, in tract. de Canonic. Episcopali cap. 1. n. 4. & c. 4. q. 5. Lapus de Castellione, tract. de Canonic. portione n. 5. Cætera ad pleniorum hujus tituli cognitionem peti poterunt, præsertim ex Abbate & Innocentio hic citatis, quæ compendii gratia nunc prætereo, qui tradunt Hospitalitatem, itionem ad exequias, prædicationem, missarum celebrationem, legationem, processionem, angarias, & quaslibet alias vexationes sub lege Diocesana comprehendit.

QUÆSTIO XVI.

Monasteria an sint Exempta?

SUMMARIUM.

1. Monasteria iure scripto sunt Exempta à lege Diocesana, non verò à lege jurisdictionis. 2. Quousque se extendat eiusmodi exemptio.

DE jure communi quod attinet, sunt exempta à lege Diocesana, non verò à lege jurisdictionis, ut patet ex auctoritatibus præcedenti capite allegatis, quas maxime Abbas persequitur, d. cap. de statu Monach. & d. cap. dilectus de offic. ord. in Berachin. tract. de Episcop. lib. 4. parte 2. quæst. 35. n. 80.

Itaque ejusmodi Privilegio non modò monasterium sed cœmiterium & alia quæcunque intra Monasterii septa exempta censentur, cap. necessaria ca. nulla 12. qn. 1. idque ad passus usque 30. vel 40. cap. sicut cap. diffinitio 17. quest. 4. quod tamen verum est, cum monasterium est extra urbem constitutum, secus vero si in Civitate, tunc enim tot passuum privilegiatio non gaudebit. c. quisquis 17. quest. 4. glo. & DD. cap. per exemptionem de privileg. in 6. Rebuff. tract. de immuni. Ecclesiarum in constitutionibus regis & in l. urbis de verb. sig. summa angelica verb. Exemptio n. 1. & Fumus n. 5 Archidiacon. cap. nulla 12. quest. 1. vide Navarr. in Manuali cap. 25. nu. 10. verb. Domus uem Episcopalis.

Q U Æ S T I O XVII.

Sintne aliqui ordines exempti?

S U M M A R I U M.

- | | |
|---|---|
| 1. Cisterciensis Ordinis Privilegium. | an participans nihilominus fructur. |
| 2. Cisterciensis ordo iure scripto non exemptus. | 19. Quorum participantes possunt privilegio uti contra eos quorum contemplatione participant. |
| 3. Papa Diocesanus totius Orbis. | 20. Familiares non retorquent privilegium contra suos principales. |
| 4. Ordines plurimi exempti privilegio proprio. | 21. Privilegiatus non utitur privilegio contra concedentem. |
| 5. Prædicatorum exemptio. | 22. Ordines qui habent Generalem, an iure communi sint exempti. |
| 6. Minorum. | 23. Jurisdictio specialis, cumulative concessa consistit. |
| 7. Carmelitarum. | 24. Pontifex non solet derogare ordinariis nisi expresse. |
| 8. Benedictinorum. | 25. Qualem jurisdictionem habeant Prælati in subiectos. |
| 9. Regularium omnium. | 27. Exempto ordine Monachorum, an censetur exemptus ordo monialium. |
| 10. Exemptio eorum plenam realis quam personalis. | 28. Ordinarii in carcerantes regulares exemptos sunt excommunicati. |
| 11. Refringitur in causis mercedum & miserabilium personarum. | 29. Tenor Bullæ. |
| 13. Item in degenibus extra claustra. | |
| 14. 15. | |
| 16. Divisio ordinum. | |
| 17. De participatione alienorum privilegiorum. | |
| 18. Quid si ordo non utatur privilegio, | |